

आकाशवाणी

खबरां जगमोहन शर्मा कोला,

पैहले खास-खास खबरां:-

1. राष्ट्रपति द्रौपदी मुर्मू अज्ज नमीं दिल्ली च 48 स्कूली अध्यापकें गी राष्ट्री शिक्षक पुरस्कार भेंट करडन।
2. प्रधानमंत्री नरेन्द्र मोदी अज्ज नमीं दिल्ली च श्री राम कालेज ऑफ कामर्स-SRCC दे शताब्दी समारोह च हिस्सा लैडन।
3. भारत सरकारै पेट्रोलियम नियमें च तरीम करने लेई नमां मसोदा जारी कीता ऐ जेहदे च ISO कंटेरनें च पेट्रोलियम दे आयात लेई ढोआई लेई अनुमति 3 साल तगर बधाने दी पेशकश कीती गई ऐ।
4. विदेश मंत्री डाक्टर एस. जयशंकर होरें आखेआ ऐ जे भारत-रुस-यूक्रेन युद्ध गी खत्म करने ते स्थाई शांति बहाल करने लेई हर मुमकिन मदद ते सहोयग देने लेई तयार ऐ।
5. संयुक्त राष्ट्र महासभा ने कल इक ऐतिहासिक प्रस्ताव पास करदे होई पारम्परिक दुनिया दे नक्शे दी थाहर “इक्वल अर्थ” नक्शे गी अपनाने ते बढ़ावा देने दी मंजूरी दिती ऐ।
6. विश्व तिरंदाजी पैरा श्रृंखला 2026 दे त्रीए गेड़ दी अधिकारिक शुरुआत गुजरात च साबर मती रिवर फ्रंट पर कीती गई।

7. महिला टी 2-एशिया कप च अज्ज भारत ते पाकिस्तान दिएं टीमैं बश्कार 2026 मकाबला होग।

<><><><><><>

ते हूंन खबरा विस्तार कन्नै:-

<><><><><><>

Prez-Teachers' Day Awards

राष्ट्रपति द्रौपदी मुर्मु अज्ज नमीं दिल्ली च 48 स्कूली अध्यापकें गी राष्ट्री शिक्षक पुरस्कार भेंट करडन। इ'नें 48 स्कूली अध्यापकें दी ताल,मुख भरै दे 27 राज्यें, 7 केन्द्र शासत प्रदेशें ते केन्द्र सरकार दे 6 संगठनें थमां कीती गेदी ऐ। ध्यानजोग ऐ जे जम्मू-कश्मीर थमां रजौरी जिले दे बसनीक मोहम्मद अयाज़ रैना होर इक्कले ऐसे अध्यापक न, जि'नेंगी इस ब'रे बड़ी मती प्रतिष्ठा आह्लाएह पुरस्कार हासल होआ करदा ऐ। राष्ट्रपति होर उच्च शिक्षा संस्थानें ते पॉलीटेक्निक कॉलेजें थमां बी 21 अध्यापकें ते शैक्षणिक सदस्यें गी राष्ट्री पुरस्कारभेंट करडन।

<><><><><><>

PM-SRCC

प्रधानमंत्री नरेन्द्र मोदी अज्ज नमीं दिल्ली च श्री राम कालेज ऑफ कामर्स-SRCC दे शताब्दी समारोह च हिस्सा लैडन। इस मौके पर ओह समारोह गी सम्बोधित बी करडन। दिल्ली युनिवर्सिटी दा एह कालेज, देसै दे प्रमुख उच्च शिक्षा संस्थानें चा इक ऐ। इस कालेज दी स्थापना सन 1926 च उद्योगपति ते समाजसेवी सर श्री राम होरें

कीती ही। पिच्छले 100 बरे च इस संस्थान ने केंई विद्वानें, पेशवरें ते राष्ट्र निर्माण च जोगदान देने आली प्रतिभाएं गी तैयार कीता ऐ। एह शताब्दी समारोह अज्ज शिक्षक दिवस दे मौके पर होआ करदा ऐ, इक'करिए एदा महत्व होर बी बधी गेआ ऐ।

<><><><><><>

Govt. ISO

भारत सरकारै पेट्रोलियम नियमें च तरीम करने दा इक नमां मसौदा जारी कीता ऐ, जेहदे तैहत ISO टैंक कंटेरनें च पेट्रोलियम दे आयात लेई ढोआई लेई अनुमति 3 साल तगर बधाने दी पेशकश कीती गई ऐ। मजूदा समें च तेल आहन्नने लेई जाने लेई मंजूरी छड़ी इक बरे लेई दिती जंदी ऐ। भारत सरकार दे पेट्रोलियम ते कुदरती गैस सरबंधी मंत्रालय नै 2002 बरे आहले नियमें च तरमीम करने दी पेशकश कीती ऐ जेहदे तैहत मजूदा ट्रांपोर्टेशन दी मंजूरी गी इक बरे कोला बधाइयै 3 बरे करने- 7एं दिनें दे अंदर-अंदर दरखास्त गी मंजूरी देने, सुरक्षा नियम होर निग्गर बनाने ते NOC जारी करने लेई इक महीने दी समें-सीमा तैह करने दा बी प्रस्ताव रखेआ गेदा ऐ।

<><><><><><>

Jai Shankar

विदेश मंत्री डाक्टर एस. जयशंकर होरें आखेआ ऐ जे भारत-रुस-यूक्रेन युद्ध गी खत्म करने ते स्थाई शांति बहाल करने लेई हर मुमकिन मदद ते सहोयग देने लेई त्यार ऐ। उ'नें साफ कीता कि एह लड़ाई कुसै मुख्य आसेआ तेल- रसैनी हैल जां होर दुए सम्यान खरीदने जां नां खरीदने सवा नैई रोकग। उ'नें आखेआ ऐ कि भारत दा मन्नना ऐ कि एह लड़ाई छड़ी गल्लबात राएं गै खत्म होई सकदी ऐ। उ'नें आखेआ कि

भारत दौने मुख्यें दे बरोबर सम्पर्क च ऐ। जयशंकर होरें कल वारसा ते पोलैंड दे उप-प्रधानमंत्री ते विदेशमंत्री राडोस लॉ सिकार स्की हुंदे कन्नै गल्लबात दे बाद इक संवाददाता सम्मेलन गी सम्बोधत करदे एह गल्ल आकखी।

<><><><><><>

UNGA -World Map

संयुक्त राष्ट्र महासभा ने कल इक ऐतिहासिक प्रस्ताव पास करदे होई पारम्परिक दुनिया दे नक्शे दी थाहर “इक्वल अर्थ” नक्शे गी अपनाने ते बढ़ावा देने दी मंजूरी दिती ऐ। इस प्रस्ताव दा मुख्य उद्देश्य दुनिया दे नक्शे च सदिएं थमां चलदी आवारदी भूगोलिक कमिएं-खामिएं गी दूर करना ऐ। 16मीं सदी थमां इस्तमाल होआ रदे मर्केटर नक्शे च भूमध्य रेखा यानि इक्वेटर दे कन्नै लगदे इलाके टकोहदा करिए अफ्रीका-लैटिन- अमरीका ते दक्खन एशिया दा आकार ओहदे असली आकार कोला लौहका लब्भदा हा जिसले जे यूरोप ते उत्तरी अमरीका काफी बड्डे लबधे हे। इस सिलसिले च कल करेक्ट द मैच प्रस्ताव पास कीता गेआ ऐ। 2018 च इक्वल अर्थ आहले नक्शे गी मानता दिंदे होई संयुक्त राष्ट्र ने सब्भनें सरकारें- अंतराष्ट्रीय संगठनें- शैक्षणिक संस्थानें ते टैक्फ कम्पनिएं गी एहदा इस्तमाल करने लेई प्रोत्सासित कीता ऐ तां जे नमीं पीढ़ी गी दुनिया भलेया स्टीक ते सेही लब्बै। ध्यान जोग ऐ कि एह प्रस्ताव कुसै बी मुख्य पर थोपेया नैई जा’रदा ऐ ते नां गै पराने मर्केटर नक्शे पर भलेआ रोक लाने दी गल्ल करदा ऐ।

<><><><><><>

Vice Prez Visit

उपराश्ट्रपति सी.पी. राधा कृष्णन अज्ज तमिलनाडु चचेन्नेईदे इक ध्याड़े दे दौरे पर रौहडन। इस दरान ओह इंडिया वाल्व्स 2026 च शामिलहोडन। एह दिलै कन्नै जुड़ी दी बमारियें दे इलाज गी बेहतर बनाने पर केंद्रित राश्ट्रीसतह दा इक शैक्षणिक सम्मेलन ऐ। उपराश्ट्रपति होर गिंडी च इंडिया वाल्व पंजिका दी शुरुआतबी करडन। एहदे अलावा, ओह वल्लुवर कोट्टम च दिनामलर अखबार दे प्रकाशन दे 75 बरे पूरेहोने दे मौके उप्पर यादगारी डाक टिकट जारी करने दे कार्यक्रम च बी शिरकत करडन।



NTA Admit Cards

सरबन्धी राश्ट्री एजेंसी - एनटीए ने यूजीसी-नेटजून 2026 दे अंग्रेजी, कॉमर्स ते समाजशास्त्र दे परतियै होने आहले पेपर लेई दाखलाकार्ड जारी करी दिते न। म्तेहाने देने आहले विद्यार्थी अपने दाखला कार्ड यूजीसी-नेटदी वेबसाइट पर लॉगिन करियै डाउनलोड करी सकदे न। अंग्रेजी दा म्तेहान औंदी 9 सितंबरगी बड्डलै 9 बजे थमां दपैही 12 बजे तगर होग। कॉमर्स दा म्तेहान उस्सै दिन दपैही 3 बजे शा संझां 6 बजे तगर लैता जाहग। समाजशास्त्र दा म्तेहान 10 सितंबर गीबड्डलै 9 बजे शा दपैही 12 बजे तगर होग। इ'नें त्रौनें विशें दे पेपर, किश गलतियेंदी शकैतें दे बाद परतियै लैते जा करदे न।



Para Archery

विश्व तिरंदाजी पैरा श्रृंखला 2026 दे त्रीए गेड़ दी अधिकारिक शुरुआत गुजरात च साबर मती रिवर फ्रंट पर कीती गई। कल संजा गृहमंत्री अमित शाह होरें वीडियो

कांफ्रेंसिंग राए एहदा रस्मी उदघाटन कीता। उआं अज्जै थमां मकाबले शुरु होआ करदे न। भारतीय दल दी अगुआई दुनिया दी पैहली नम्बर दी कपांडड तीरंदाज शीतल देवी करा रदी ऐ जेहड़ी पैहली बार मुख्यै अंदर कुसै अंतराष्ट्रीय ट्रर्नामेंट च भारती चुनौती दी अगुआई करने जा रदियां न।

<><><><><><>

Asia Cup

महिला टी-20 एशिया कप 2026 च अज्ज भारत ते पाकिस्तान दिएं टीमैं बश्कार मकाबला होग। ग्रुप-ए दा एह बड़ा दिलचस्प मकाबला रौहने दी मेद ऐ। भारतीय समैं दे मताबक मैच अज्ज रातीं 8 बजे शुरु होग। दुबई इंटरनैशनल क्रिकेट स्टेडियम च खेड्डे जाने आहले इस मैच दे कन्नै गै भारतीय कप्तान हरमनप्रीत कौर 150 अंतराष्ट्रीय टी-20 मैचें दी कप्तानी करने आहली दुनिया दी पैहली क्रिकेटर बनी जाग। भारती महिला टीम अपने शुरुआती दमै मैच जितियै पैहले गै सेमीफाइनल च अपनी थाहर पक्की करी चुकी दी ऐ- जिसले कि पाकिस्तान गी सेमीफाइनल दी रेस च बने रौहने लेई इस मैच च बेहतर प्रदर्शन करना होग।

<><><><><><>